



UNIVERSITÄTS-
BIBLIOTHEK
PADERBORN

**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz

Ingolstadii, 1726

§. I. De Fori Natura, & Varietate.

[urn:nbn:de:hbz:466:1-74990](#)

libus inferioribus receptum est, ut lite etiam intra triennium non finitâ, Instauria tamen non censeatur perempta esse, quem tamen usum, tanquam abutum, damnat Brunnen. l. cit. n. 15. & optat dispositionem saluberriam l. properandum cit. in usum denuo recocari, ut lites ad exitum citius perducantur.

3. De Jure SS. Canonum non tantum consuetudine, sed Lege scriptâ Instantia videtur esse perpetua, ut contra Covar. in c. quamvis p. 2. §. 1. n. 10. Zoëf. hic n. 13. docent Gloss. in c. venerabilis 20. in cas. not. un. b. tit. Abb. ibid. n. 5. § duob. sqq. Barb. n. 1. § sqq. Zypæus n. 5. hic. Pirk. n. 125. Wiest. n. 107. & sumitur ex c. venerabilis cit. c. tum ex literis 5. de in integr. restit. & c. cùm olim 14. princ. v. Judices de privil. idque meritò; quia cum in foro Canonico licet appellare etiam à sententia interlocutoria, & quolibet gravamine, sepe contingit, ut lis intra triennium terminari nequeat.

81 Quæritur 7. an defacto Instantia de Jure Canonico sit perpetua? Rationem dubitandi facit Trid. sess. 24. c. 20. de reform. ubi statuitur, ut causæ omnes ad Forum Ecclesiasticum quomodolibet pertinentes coram Ordinariis locorum, saltem intra biennium à die motæ litis, terminentur. 2. Quia in c. venerabilis cit. sermo est tantum de casu, quo subterfugis, & cavillationibus Adversarij factum fuit, ne intra triennium finiretur lis, & ferretur sententia. 3. Quia inter Jus Canonicum, & Civile sine expresso textu non est statuendum discrimen,

præsentim si utroque Jure eadem procedat ratio. Atqui nullus extat textus manifestus, quo suadeatur hoc à Jure Civili divortium, & ratio pugnat eadem, nempe favor abbreviandarum litium. Ergo &c.

Sed verius est adhuc hodie de Jure Canonico Instantiam Judicij perpetuari, etiam post triennium, & quidem indistinctè quoad omnes causas. Ita Host. in c. venerabilis cit. V. subterfugia. Abb. ibid. n. 9. Barbo. n. 2. § 3. Zypæus n. 6. Pirk. n. 126. not. 2. Excipitur causa Appellationis, cui finienda annus, & ex justa causa triennium etiam Jure Canonico præfixum est c. cùm sit s. in princ. de appell.

Neque contrarium probant Argumenta allata. Ad 1. Trid. l. cit. solum permittit, ut partes lapsu biennio, Superiorum adire possint, non autem prohibet iisdem, quin, si velint, item coepit prosequi coram eodem Ordinario possint; immo hoc ipsum satis aperte concedit, quia dicit tum liberum fore partibus Superiorum adire: quod manifestum est indicium, probans instantiam lapsu temporis non perire. Ad 2. subterfugia, & cavillationes non fuerunt causa adæquata, & unica perpetuandi instantiam, sed præcipue fuit equitas, quam præ alijs attendit Jus Sacrum, & quia successu temporis compertum usu est peremptione instantiae, per l. properandum prodita, lites potius perpetuari, quam finiri, cum instaurari possint inchoatione novi processus. Ad 3. textus n. prec. cit. sat clari sunt: deinde hactenus dicta ostendunt, non frustra fieri in hoc passu recessum à Jure Civili.

TITULUS II.

De Foro Competente.

Postquam Actor litigatus cum Adversario apud se conclusit, quo Judicio cum eodem velit contendere, dispicere ulterius debet, cui foro subjectus sit ille, contra quem cupit con-

tendere; nam Actor sequitur forum Rei, idque tam necessariò, ut Judicium, celebratum in foro incompetente, ipso Jure nullum sit.

§. I.

De Fori Natura, & Varietate.

SUMMARIUM.

1. Diverse acceptiones Fori.
2. Varietas Fori propriè dicti.
3. Judex competens quis, & quotupliciter?
4. An generali commissione eorum, que ad Forum Ecclesiasticum spectant, comprehendatur Jurisdictio utriusque fori tam interni, quam externi?
5. An valida sit sententia lata à Judice incompetente?
6. Ex quibus principijs deducatur competentia fori?
7. Quod Forum sit adeundum, si Actor habeat forum diversum à Foro Rei?

Quæritur 1. quid sit Forum competens? 2. Fori nomen multipliciter accipitur.

1. Enim significat locum, rerum venalium expositioni, ac negotiationi destinatum: &

hujusmodi Forum vel à merce ibi exposita, ut Forum viuarium, Forum granarium &c. vel ab ijs, qui ea Fora instituenda curarunt, ut Forum Flavianum, Forum Julium, nomen acci-

pit. 2. Districtum, sive Territorium, in quo quisque Judex Jurisdictionem habet. *pupillus 239. S. territorium 8. ff. de V. S.* quo pacto etiam tota Dioecesis dicitur Territorium Episcopi *can. omnes 10. cauf. 16. q. 7.* 3. Locum, qui ad exercendas, discutiendas, & Judicis sententiā definiendas lites est definitus *c. forus 10. de V. S.* ubi dicitur: *Forus est exercendarum litium locus. à Fando dictus, sive à Foroneo Rege, qui primus Grecis Legem dedit.* Hic locus alias etiam Judicis Tribunal, Auditorium, & praeferunt si Judicis Ecclesiastici, aut Supremi Principis sit, *Consortiorum appellatur.* 4. Denique Forum aliquando idem est, quod Jurisdictione Judicium exercentis, seu potestas publica de causa in Judicium deducta cognoscendi, ac pronuntiandi. *Hofst. in Summ. hic §. 2. Abb. in Rubr. cod. in fin.* Et in hoc sensu esse de Foro alicuius Judicis, idem est, ac pertinere ad Jurisdictionem illius. Inde etiam *Forenses* dicuntur, qui Tribunalibus, & Judicis occupantur; *Forenses cause*, quae in Judicio disceptantur, *Instrumenta Forrenia* scriptura publica, quaē tidem in Judicio faciunt. Habent autem Forum tam Magistratus, quam Subditus: ille quidem active, dum Jurisdictionem exercet; iste passim, dum Jurisdictione in eundem exerceatur. Ad hunc locum spectat maximē tertia, & quarta acceptio.

2. Quæritur 2. quotuplex sit Forum? *q.* hujus variae sunt divisiones, & subdivisiones. 1. Dividitur in Forum competens, & incompetens. *Forum competens* est, in quo Reus conveniri potest, & debet. *Incompetens*, in quo Reus nec conveniri potest, nec debet. Etsi enim singuli Judices, Jurisdictione instructi, sua habeant Tribunalia, sūmque forum, istud tamen ad certas causas, & personas restrictum habent. Estque hoc verum non tantum in inferioribus Judicibus, sed etiam in supremis, atque adeo in ipso Imperatore, & Summo Pont. sicut enim Imperator in spiritualia immiscere se se non potest, ita nec Pontifex in temporalia; item sicut iste Jurisdictionem duntaxat habet in fideles, qui per Baptismum Ecclesiam ingrediuntur, ita & ille solum in Cives Romanos, seu qui Imperij Romano-Germanici ambitu continentur, cūm paucim, & merito explodatur illa Bartoli, aliorūque communis sententia, quaē olim Imperatori Orbis totius dominium adtruebat.

2. Dividitur in Forum Ecclesiasticum, & Seculare, eo planè sensu, quo supra *tit. præc. n. 6.* divisum est Judicium, & *Liber. i. tit. 32. n. 5.* Jurisdictione. *Ecclesiasticum* subdividitur in internum, & Externum. In *Foro Externo*, quod etiam *Forum Fori* appellatur, Reus secundum allegationes, & probatae lites a litigantibus deducetas absolvitur, & condemnatur; in *Foro interno*, quod etiam *Forum Poli, Forum conscientie, & anime di-*

citur, Reus absolvitur, & ligatur secundum conscientiam ipsius propriam. Hoc posterius etiam ipsum duplex est, nam *Poenitentiale*, sive *Sacramentale*, quod exercetur in administratione Sacramenti Poenitentiae; & *non Sacramentale*, quod extra illud, ut si committatur alicui potestas dispensandi in Voto, vel absolvendi à Censuris pro foro interno, & non exprimatur eam dispersionem, vel absolutionem faciendam prævia Confessione Sacramentali; nam tunc is, qui potestatem hanc ita sibi commissam habet, dispensare potest, & absolvere pro Foro interno quidem, sed extra Poenitentiae Sacramentum. *Rodrig. tom. i. qq. regul. c. 61. a. n. 10. Sanch. de Matr. l. 8. D. 34. n. 20. Suar. de Legib. l. 8. c. 6. n. 13. & 15. Oliv. For. Eccl. p. i. q. 1. n. 16.* quos citat, & sequitur P. Friderich de *for. compet. n. 7.*

3. Dividitur in Forum Ordinarium, & Extraordinarium. *Ordinarium* est, quod habent Judices in personas, & causas specialiter non exemptas ratione domicilij, delicti, rei sitae &c. *Extraordinarium*, quod ex accidenti competit, ut sit per prorogationem, continentiam, vel connexionem causarum &c. *Ordinarium* subdividitur in commune, & singulare. *Commune* est, in quo ordinaria Jurisdictione exercetur communis omnibus. *Singulare*, in quo exercetur quidem Jurisdictione Ordinaria, sed singularis, & certis causis, vel personis propria, ut sunt causæ sacræ, feudales, fiscales &c. & personæ privilegiatae, ut Clerici, Nobiles, Studiosi &c.

4. Dividitur in Contentiosum, & *Voluntarium*. Illud est, in quo exercetur Jurisdictione Contentiosa; istud, in quo Volunta-

ria. Quæritur 3. quis sit, & quotupliciter *dicatur* Judex competens? *q.* *Judex* competens dicitur is, cuius Jurisdictioni subiectus reus, seu coram quo Actio, & Lis proponi, atque initii, & finiri potest. *Pirh. hic n. 1. Schamb. ibid. n. 2.*

Alius est *Simpliciter competens*, quem sc. parres litigantes adire possunt, & debent, tanquam Ordinarium Judicem loci, seu territorij, in quo Judicium exercetur: quales sunt Judices Ordinarij constituti à Lege, Principe, vel consuetudine, ut praesint universaliter Jurisdictioni alicuius Civitatis, vel Provinciae, de quibus dictum *Liber. i. Tit. 31.*

Alius vero est per se *Incompetens*, qui tamen consenserit partium litigantium, dum Jurisdictionem ejusdem prorogant, competens fieri potest *c. significati 18. princ. b. t. l. si se 1. & l. seq. ff. de judic.* Talis est Judex Ecclesiasticus respectu Laicorum in causis temporalibus; licet enim ille respectu illorum in hujusmodi causis per se incompetens sit, si tamen Laici se Jurisdictioni ejusdem subiectant, illam in se prorogant, & sic eum respectu sui competenter faciunt. Ut-

Utrique opponitur Judex, qui simpliciter est incompetens, ita ut nec partes Jurisdictionem ejusdem prorogare in se consensu suo possint. Talis est Judex secularis respectu Clericorum, & respectu Laicorum in causis merè Spiritualibus, & Ecclesiasticis, ut Hæresis, Simonia, Decimatum &c.

Quæritur 4. an generali commissione eorum, qua ad Forum Ecclesiasticum spectant, comprehendatur Jurisdictione utriusque fori tam interni, quam externi? Affirmant Anton. conf. 19. n. 14. & in Rubr. b. tit. Felin. ibid. in princ. Barbatia n. 6. Fundantur, quia commissio genere, commissa intelliguntur omnes species comprehensa sub genere, perinde ac si omnes fuissent expressæ l. si chorus 79. ff. de Legat. 3. & l. si duo 5. ff. de administr. tutor. atqui Jurisdictione Ecclesiastica est genus respectu Jurisdictionis Fori externi, & interni. Ergo &c. Conf. nam verba cuiuscunq; dispositionis comprehendunt omnia, quæ sub illis ex proprietate sua veniunt, ut commune est axioma Juris. Atqui nomine Jurisdictionis propriæ accepto comprehenditur Jurisdictione utraque. Ergo &c.

Negant contrà Host. Abb. Imol. apud Olivam for. Eccl. p. 1. q. 1. n. 9. ex ratione, quia in generali commissione non veniunt ea, quæ in specie quis verisimiliter non fuisset concessurus, ut habet Reg. 81. in 6. igitur sicut generali commissione Vicariatus non intelligitur commissa potestas inquirendi, corrigendi, & puniendi excessus, & libera collatio Beneficiorum c. licet 2. & c. fin. de Offic. Vicar. in 6. ita nec generali commissione eorum, qua ad Forum Ecclesiasticum spectant, intelligitur concessa Jurisdictione fori interni.

Tenenda est sententia inter utramque media, quam cum Oliv. l. cit. n. 10. & sqq. defendit P. Wiest. hic n. 9. & dicendum considerandam praxin, & alias circumstantias, ex quibus mens concedentis colligi posset; nam si ex his colligi illa posset, Jurisdictione secundum hanc concedentis mentem, quippe que concessionis Regula est, vel restringenda, vel amplianda est. Si nihil certi colligi ex ijs posset, altera distinctio est adhibenda, & videndum, an extensione commissionis ad Forum internum præjudicetur alicui tertio. e. g. Jurisdictioni Ordinariae, vel non. **Si primum**, commissio ad forum externum restringi debet; quia odiosa est, & consl. interpretationis stricta. **Si secundum**, probabilius eriam Jurisdictione fori interni, & Poenitentialis commissa censemur; quia talis commissio habet rationem beneficij Principis, quod latam interpretationem habet c. quia circa 22. de privileg. c. cum dilecti 6. in fin. de donat. l. beneficium 3. ff. de Constit. Princip.

Quæritur 5. an valida sit sententia lata à

Judice incompetentem? **Si.** cum distinctione: Vel enim lata est à Judice simpliciter incompetente, vel solum à Judice per se incompetente, qui tamen voluntate partium factus sit competens. **Si primum**, sententia ipso Jure nulla est per claros textus c. at si Clerici 4. de Judic. l. hoc editum 1. §. qui Magistratum 1. **Si.** hac verba ff. quod quisq. Jur. l. si militaris 2. & l. fin. C. si à non competent. Judic. Ratio est, quia Jurisdictione est basis, & fundamentum omnis Juridicij, ac sententiae. Igitur ubi haec deficit, judicium non est, & nec sententia, nec judicatum dici potest. Et hinc ejusmodi sententia, licet ab ea non appelletur, nunquam tamen in rem judicatam transfit, sed semper, etiam post tres conformes sententias, exceptio nullitatis contra eandem opponi potest, modo de tali incompetencia, & omnimoda Jurisdictionis defectu evidenter constet. Gloss. in Clem. un. V. non obstante de sequest. posseff. Gaill. l. 1. obs. 42. n. 8. & sqq. Pirh. hic n. 3. Wiest. n. 12. Proceditque hoc, quamvis quis jurasset se non oppoliturum de nullitate; nam adhuc nullitatem ex defectu Jurisdictionis potest opponere, ut alii citt. notat Barbol. in c. 4. de Judic. n. 3.

Si secundum, & sententia lata est à Judice, cuius Jurisdictione in litigantes prorogari potuit, videndum, an pars litigans, ab eo in Jus vocata, ignoraverit eum esse incompetentem, an verò hoc sciverit, & tamen non opposita exceptione fori declinatoria, comparuerit. **Si prius**, sententia iterum nulla est; quia cum ignorantis nullus sit consensus l. non idcirco 9. C. de J. & F. J. is, qui Judicem, quem adjicit, nescivit incompetentem esse, ejus Jurisdictionem in se prorogasse non intelligitur: & hinc errore postea cognito, exceptionem incompetentiæ etiam post litum contestatam potest opponere. **Si posterius**, comparendo, & non opposita exceptione, litigando censetur in ipsum consenserisse, & sic Jurisdictionem illius in se prorogasse, ut ita qui suus, & competens antea non fuerat, suus, & competens effectus fuerit.

Quæritur 6. ex quibus principijs deducatur Competentia Fori? **Si.** deducitur maximè extribus, videlicet 1. ex persona Judicis, ejusque Jurisdictione. 2. Ex persona Rei conventi. 3. Ex qualitate causa in Judicium deductæ, vel deducendæ.

Ut ex persona Judicis Forum competens sit, necessarium est, ut Jurisdictionem, vel faltem facultatem cognoscendi de causa inter personas litigantes habeat, quod fieri pluribus modis potest. 1. Potestate ordinaria, qualem Judices Ordinarij habent. 2. Potestate Delegata, qualem Delegati. 3. Compromissio partium, quo modo Arbitri Compromissarij accipiunt facultatem cog-

noscendi de causa, in qua electi sunt Arbitri,
4. Prorogatione earundem, si nempe partes
Judicis non sui Jurisdictionem in te proro-
gaverint. 5. Avocatione causae ad Supe-
riorum; tunc enim iste, excluso inferiore,
solus fit competens, & inferioris Jurisdictionis
circa causam avocatam suspenditur.

Reus ex sua parte duplex fortiri Foro-
rum potest, Ordinarium, & Extraordinarium.
Hoc ratione Prorogationis, Delegationis,
Connexionis Caularum, Reconventionis.
Illud vel Communeratione domicilij, Contra-
etatis, Delicti, Rei sitæ; vel Singulare ratio-
ne privilegii certis personis conceditur.

Qualitas cause denique & ipsa Forum

diversificat; nam si Causa sit Ecclesiastica,

ad Forum Ecclesiasticum pertinet; si Tem-

poralis, & inter Laicos agitur, ad Sæcu-

lare; si Mixta ad utrumque, ita ut locus præ-

ventioni sit.

De primo, & tertio capite dictum satis

est Tit. prec. Supereft, ut competentia Fori

examinetur respectu ipsius Rei.

Quæritur 7. quod Forum adeundum

fit, si Actor habeat Forum diversum à Foro
Rei? 8. in hoc Regula est, quod forum
Rei sequatur Actor, non vero Actoris Re-
us: Ita habetur c. si Clericus 5. & c. cum sit
8. de for. compet. l. Juris 2. & l. in crimi-
nali 5. C. de Jurisdict. omn. Judic. l. fin. C. ubi
in rem actio sc. Estque id verum, five
possessorum, five petitorum sit Judicium:
& et si Actor sit Clericus; debet enim contra
Laicum adire Judicem Sæcularem, nisi
causa sit Spiritualis, aut mixta.

Patitur tamen etiam hæc Regula ex-
ceptiones suas, quarum 52. omnino afferit
Durand. Specul. tit. de compet. Judic. adition,
S. 1. Verum iste non omnes sunt ad
propositum, ut consideranti patet; nam in plerisque casibus à Doctore cit. recensitis,
non alienus, sed suus adiutus Judge. Hinc
unicam pono, quam extra præfatarum nu-
merum S. cit. in princ. idem Durandus statu-
tit, nisi consuetudo se habeat in contra-
rium: & sic ipso teste Aretij super qualibet
causa Clericus trahit Laicum ad Judicem
Ecclesiasticum.

II.

De Foro Competente ratione Domicilij.

S U M M A R I U M.

20. Forum ratione Originis ubi quis sortiatur?
21. An etiam ex origine fortuita?
22. Vel ex origine materna, aut aliorum af-
fendentium?
23. Quoad Jurisdictionem principalius con-
siderandum est Domicilium habitationis, quam
originis.
24. Domicilium Originis, translatu Domicilio
habitationis, de Jure communianet.
25. Invalidum est Statutum, quo Cives, &
Originarij vetantur mutare Civitatem.
26. Domicilium generale Cibibus Romanis Ro-
ma est.
27. Ibi adhuc hodie conveniri Clerici possunt,
si ibidem existant.
28. Imo & Laici, si ibidem reperiantur.
29. Roma ibi dicitur esse, ubi est Curia, &
Sedes Pontificis.

hoc rursum duplex est, unum, quod *Quasi*
Domicilium dicitur, ac diutinam in lo-
co commorationem, non tamen stabilem,
ac perpetuam petit; alterum, quod sim-
pliciter *Domicilium* appellatur, ac stabi-
liduntaxat, & perpetua habitatione con-
trahitur. His notatis

Quæritur 1. ubinam aliquis *Domicilium*
verum habere dicatur? 8. ibi, ubi quis
Larem, seu familiam, rerumque, ac fortu-
narum summan, seu substantiam constituit,
sic ut inde non sit discessurus, si nihil a-

vo-

Primus, & cæteris amplior modus
sortiendi Forum est *Domicilium*:
Hoc duplex à Legibus, & Inter-
preibus prodiunt invenio, sc. Com-
mune, & Privatum. *Commune* Ci-
bibus Romanis Roma est, tanquam com-
munis eorum sedes, & patria. *Privatum* est
vel *Naturale*, seu *Originis*, vel *Accidentale*, &
Adscitum, seu *habitationis*: & hoc qui-
dem duplex, *Voluntarium*, quod sua cuicue
voluntas facit; & *Necessarium*, quod invi-
tis statuitur, pura Relegatis. Utrumque